

大同府志卷之二十三

大同府知府吳輔宏纂輯

人物中

隋

達奚長儒字富仁代人隋初進位上大將軍封蘄春郡公
開皇二年以奮戰身被五創通中者二卒獲奏績優詔
加上柱國其年授寧州刺史尋轉鄜州母憂去長儒性
至孝水漿不入口五日毀瘁過禮上甚嘉歎起為夏州
總管以病免又除襄州總管在職二年轉蘭州總管涼
原靈三總管皆受節度復轉荊州總管三十六州諸軍

大同府志

卷之三

人物

事文帝曰江陵要害國之南門今以委公朕無慮也歲
餘卒官諡曰威

賀婁子幹字萬壽代人以驍武知名開皇初為行軍總管
涼州之戰功居優冊授大將軍尋拜工部尚書旋授榆
關總管十鎮諸軍事歲餘拜雲州刺史詔為行軍總管
出西北道還拜雲州總管母憂去朝廷以榆關重鎮非
子幹不可尋起視事卒官時年六十諡曰懷兄諡亦有
才器位至北地太守

杜彥雲中人性勇果
騎射開皇初授丹州刺史進爵為
公徵為左武衛將軍以行軍總管進位柱國復以行軍

總管從楊素討平高智慧拜洪州總管有能名歲餘代
賀婁子幹鎮雲州尋拜朔州總管復拜彥雲州總管未
幾以疾徵還卒年六十

侯莫陳穎字遵道代人少有器量文帝初賜爵昇平郡公
歷延陳二州刺史以行軍總管拜瀛州刺史有惠政以
事免官百姓送者莫不流涕因立碑頌德俄拜邢州刺
史治第一優詔褒美入朝卽拜桂州總管十七州諸軍
事及到官大崇恩信民人悅服煬帝初徵還數年除恒
山太守其年粵南閩越多不附以穎爲南土所信伏復
拜南海太守卒官諡曰定

大同府志

卷之三

人物

二

尉遲崇代人開皇初封秦興縣公歲餘從行軍總管達奚
長儒力戰死

楊義臣代人尉遲崇子崇死事襲爵時尙幼養於宮中年
未弱冠奉詔宿衛賜姓楊氏爲皇從孫拜陝州刺史義
臣性謹厚能馳射有將領才上甚重之後以行軍總管
出白道有功仁壽初拜朔州總管四年擊破漢王諒將
喬鍾葵以功進上大將軍尋授相州刺史徵爲宗正卿
轉太僕卿進左光祿大夫尋拜禮部尙書卒

吐葛緒字長緒代郡人少有武畧隋初拜襄州總管封穀
城郡公尋轉青州總管頗有治名歲餘徙朔州總管其

著威信轉徐州總管令修戰具及大舉濟江領行軍總管屯兵江北陳平拜夏州總管煬帝嗣位拜晉絳二州刺史馳傳之官未出關而漢王諒已遣兵據蒲坂斷河橋緒不得進詔率兵從楊素擊破之拜左武侯將軍轉光祿卿除東平太守累遷左屯衛大將軍左光祿大夫疾卒

獨孤羅字羅仁雲中人父信開皇初追贈趙國公羅以嫡長襲爵拜左衛將軍久之出爲梁州總管進上柱國仁壽中徵拜左武衛大將軍煬帝嗣位改封蜀國公卒諡曰恭庶長子開遠爲千牛嘗與右屯衛將軍獨孤盛力

大同府志

卷之三

人物

三

戰宇文化及被執化及義而捨之盛歿於軍

庫翟欽代人性宏厚有局度開皇時官民部尙書與上大將軍劉仁恩兵部尙書郭均馮世基俱顯名於當世

房兆代人本姓屋引氏剛毅有武畧頻爲行軍總管官至柱國徐州總管與馮昱王樹李充楊武通陳永貴俱爲開皇時名將

唐

于邵字相門其先代人徙京兆之萬年天寶末第進士以書判超絕補崇文校書郎由比部郎中爲道州刺史徙巴州遷授兵部郎中崔寧帥蜀表爲度支副使俄以諫

議大夫知制誥進禮部侍郎朝有大典冊必出其手爲
三司使治薛邕獄失旨貶桂州長史入爲太子賓客又
貶外卒於江州時年八十一邵孝悌有行晚塗益修潔
樊澤始舉賢良邵望見曰將相材也崔元翰舉進士年
五十餘矣邵以其文擢異等曰後當司詔令已而皆然
獨孤授舉博學宏辭吏部考當乙邵覆之置甲科人咨
其公

後五代

李從璟應州人唐明宗子初名從審爲人驍勇善戰而謙
退謹勅從莊宗戰數有功爲金槍指揮使明宗卽位贈

大同府志

卷之三

人物

四

太保

李從敏字叔達明宗姪也爲人沉厚寡言善騎射初從莊
宗爲馬步軍都指揮使明宗入立遷皇城使保義軍節
度歷鎮橫海義武成德歸德保義昭義河陽封涇王卒
諡恭惠

安重誨應州人明敏謹恪明宗卽位以爲左領軍衛大將
軍樞密使兼領山南東道節度使改兵部尙書累加侍
中兼中書令處機密之任事無大小皆所參決奏事先
白後聞盡忠補益多所建樹尋以太子太師致仕

安金全代北人驍果工騎射號能擒生踏伏明宗天成中

拜振武軍節度使同中書門下平章事在鎮二年召還卒

康思立山陰諸部人少為騎將以功遷指揮使明宗即位歷應嵐二州刺史宿州團練使昭武軍節度使徙鎮保義皆有善政

史彥超雲中人勇悍驍捷為龍捷都指揮使以兵從周太祖入汴遷虎捷都指揮使成晉州守城有功遷龍捷右廂都指揮使領鄭州防禦使戰高平拜感德軍節度使太原之役歿於行陣世宗甚悼惜之贈太師優恤其家折從阮字可久初名從遠避漢高祖名改為阮雲中人也

大同府志

卷之三

人物

五

父嗣倫麟州刺史從阮溫恭長者居父喪以孝聞為唐府州刺史晉出帝時以功遷本州團練使兼領朔州刺史安北都護振武軍節度使尋拜永安軍節度使徙鎮武勝宣義保義靖難四鎮顯德二年卒贈中書令

阮傳後附見德辰以下諸人非折氏家譜不當連綴也今別係之宋

舊志於從

宋

折德展雲中大族從阮子建隆二年為永安軍節度使乾德二年卒贈侍中子御勳御卿御勳字世隆開寶二年太祖征太原御勳詣行在謁見以為永安軍留後後改泰寧軍節度使留京師太平興國二年卒

折御卿德辰子幼補節院使兄御勲知州事署兵馬都校
御勲徙鎮召爲開府副使知府州太宗在河東命與尹
憲領屯兵攻下嵐州遷崇義使淳化五年拜永安軍節
度使子惟正爲洛苑使知州事惟正歸朝以其弟惟昌
繼之

折惟昌御卿子繼知府州事咸平二年以功領富州刺史
改文思使拜興州刺史大中祥符二年赴闕命近臣與
射於苑中宴賜甚厚上言先臣御卿蒙賜旗三十竿以
壯軍容請別給賜許之景德七年卒以其弟惟忠繼之
折惟忠字蓋臣初以兄惟信戰歿補西頭供奉官擢閣門

大同府志

卷之三

人物

六

祗侯及惟昌卒爲六宅使知府州兼麟府都巡檢使領
普州刺史再遷左藏庫使歷嘉資二州刺史進蘭州團
練使卒於雲麾將軍以其子繼宣嗣州事坐事降擢其
弟繼閔爲西京作坊使嗣州事

折繼閔字廣孝慶歷中以守城功特遷宮苑使普州刺史
皇祐二年卒以其弟繼祖繼之

折繼祖字應之由右侍禁遷西染院使累轉皇城使成州
團練使臨政二十餘年奏乞書籍仁宗賜以九經後以
功加解州防禦使卒繼祖有子當襲州事請以授兄之
子克柔詔從之而進其二子官錄一孫爲借職

折繼世繼祖弟少從軍爲延州東路巡檢錄功領忠州刺史以左驥驥使果州團練使卒特給賻禮

折克行字遵道繼閔子初仕軍府無所知名以護餉道戰葭蘆川奏功諸老將矍然曰真折太尉子也擢知府州善拊士卒戰功最多人呼爲折家父官至秦州觀察使折可適克行從子少工馳射鄜延郭達見之歎曰真將種也薦試廷中補殿侍以前後戰功至皇城使成州團練使知岷蘭州鎮將軍尋取天都山上爲御文德殿受賀以其地爲西安州遷可適東上閣門使洛州防禦使涇原鈐轄知州事真拜和州防禦使進明州觀察使爲副大同府志

卷之三

人物

七

都總管武安軍節度觀察畱後俄拜淮康軍節度使卒年六十一

郭崇應州金城人重厚寡言有方畧宋初進中書令爲平盧節度乾德三年卒贈太師子守璘洛苑副使允恭崇儀副使知常州次女爲仁宗皇后

周廣字大均應州神武州人宋初授隰州刺史乾德三年遷潘州團練使令訓練雄武諸營開寶二年從征太原擢都部署師還加內外馬步軍副都軍頭改右屯衛大將軍領郡如故太平興國二年卒

陸萬友蔚州靈邱人少業坊鋊宋初歷沂蘄汝三州防禦

使開寶中討南唐命萬友守采石磯浮梁江南平爲和州防禦使太宗嗣位以爲晉絳等州都巡檢使從征太原克汾石二州就除石州都巡檢使兼知石州雍熙二年以右監門衛大將軍充河陰兵馬都監卒年七十三萬友以武勇自任太祖念其勲舊恩遇不替焉

李漢超雲州雲中人宋初爲散員都指揮使領綿州刺史累遷控鶴左廂都校領恩州團練使遷齊州防禦使兼關南兵馬都監在郡十七年政平訟理吏民愛之詣闕求立碑頌德詔徐鉉撰文以賜太平興國初遷應州觀察使判齊州終關南都巡檢使贈太尉漢超善撫士卒大同府志

卷之三

人物

八

與同甘苦及沒軍中皆流涕

李守恩漢超子少驍果善戰有父風初補齊州牙職開寶二年太原之役賜命服金帶器幣緡錢太祖曰此稚子能若是他日將帥才也擢爲驍猛軍校累官隴州刺史知靈州後與子廣文助教象之隴州衙內指揮使望之弟寄班守忠皆戰沒真宗嘗愴特贈守恩洪州觀察使李重誨應州金城人太平興國五年補鄧州馬步軍都指揮會趙普出鎮奏監州軍雍熙三年爲忻州都巡檢以嶺蠻擾掠改廣桂融宜柳州招安捉賊使聽便宜從事累遷涇原儀渭鎮總軍鈐轄咸平三年徙邠寧環慶路

坐事除名五年起內殿崇班郎延駐泊都監遷崇義使
景德中上以涇原地要兵衆慮有緩急徙重誨爲鈐轄
復遷益州改皇城使大中祥符六年卒年六十八重誨
純慤寡過上悼之命其子乘傳護柩以歸

畢士安字仁叟代州雲中人少好學事繼母祝氏孝祝氏
曰學必求良師友乃如宋鄭得楊璞韓丕劉錫爲友乾
德四年第進士邠帥楊廷璋辟掌書奏歷濟州團練推
官太平興國初爲大理寺丞領三門發運事選知台州
累遷左贊善大夫監察御史復出知乾州以母老乞降
任就養改監汝州稻田務雍熙二年遷左拾遺兼冀王

大同府志

卷之三

人物

九

府記室參軍端拱中詔王府僚屬獻文太宗閱視累曰
問侍臣曰其才已見矣其行孰優或以士安對上曰正
協朕意俄以本官知制誥淳化二年召入翰林爲學士
以詞藝履行稱二年知貢舉加主客郎中以疾改右諫
議大夫知潁州壽王尹開封府召爲判官兼右庶子遷
給事中真宗卽位命權知開封府事拜工部侍郎樞密
直學士咸平初拜禮部侍郎復爲翰林學士以目疾改
兵部侍郎出知潞州入爲翰林侍讀學士景德初兼秘
書監首疏五事陳選將餉兵理財之策真宗嘉納李沆
卒進士安吏部侍郎參知政事入謝上曰未也行且相

卿士安頓首以言寇準兼資忠義善斷大事有宰相才未閱月以本官與準同拜平章事準守正嫉惡小人日思傾之布衣申宗古誣準士安力辯乃明下宗古吏具得姦罔置重辟準乃安朝野內外事無巨細量時制法次第舉行復置賢良方正直言極諫等科以廣取士明年以病求免優詔敦諭復起視事十月晨朝至崇政殿廬疾暴作詔肩輿送歸第卒年六十八贈太傅中書令謚文簡士安端方沉雅有器識所至以嚴正稱年耆目眊讀書不輟有文集三十卷凡交遊無黨援惟王祐呂端見引重王旦寇準楊億相友善王禹偁陳彭年皆門人也士安仕至輔相而四方無田園居第沒未終喪而家用已屈上聞之感歎賜白金五千兩子世長衛尉卿慶長大府卿孫從善從古從厚從誨從簡從道從益從周俱至通顯曾孫仲衍仲游

畢仲衍蔭陽翟主簿縣人張昇鎮許請興鄉校既具材又

聽民輸助邑子馬宏謾語諸豪曰張公與學而縣令因以取諸民君將不堪誠捐百金子我我能止役豪予百金宏卽詣府宣言縣吏過昇果疑焉勅卽止令欲疏辯仲衍曰亡益也不如取宏治之會攝縣事卽逮捕驗治得其姦流一縣相賀給事中張問曰諺云鋤一惡長十

善君之謂也第進士調沈邱令歐陽修呂公著薦之人
司農爲主簿升丞吳充引爲中書檢正久之以秘閣校
理同知太常禮院爲官制局檢討官損益刪補曲盡其
當凡從中間事必須仲衍然後報他人不知也擢爲起
居郎未幾卒

畢仲游字公叔與仲衍同登第調壽邱柘城主簿羅山令
環慶轉運使元祐初爲軍器衛尉丞召試學士院同策
問者黃廷堅張耒晁補之輩九人蘇軾異其文擢第一
加集賢校理開封府推官出提點河東路刑獄召拜職
方司勳二員外郎改秘閣校理知耀州徽宗時歷知鄭

大同府志

卷之三十一 人物

十一

鄆二州京南淮南轉運副使入爲吏部郎中言孔子廟
自顏回以下皆爵命於朝冠冕居正而子鯉孫伋乃野
服幅巾以祭爲不稱詔皆追侯之仲游早受知於司馬
光呂公著而范純仁尤知之卒年七十五仲游爲文切
於事理不爲浮誇誕戲語弟仲愈歷國子監丞諸王府
侍講知鳳翔府坐黜後起都官郎中擢秘書少監卒
史仲衍兄弟自有傳舊志附見士安傳後太畧

遼

沙彥珣多勇畧有大志太宗禮遇同於宿將以功陞始平
安節度檢校太尉
舊志不載省志載大同府下不言某州縣人而山陰縣志亦載之則當爲

遼之河
陰人

邢抱朴應州人父簡刑部郎中抱朴性穎悟好學博古保
寧初爲政事舍人知制誥累遷翰林學士加禮部侍郎
統和四年山西州縣被兵命抱朴鎮撫之民始安加戶
部尙書遷翰林學士承旨與室昉同修實錄決南京滯
獄還優詔褒美十年拜參知政事韓德讓薦按察諸道
守令能否而黜陟之大協人望尋以母憂去官詔起視
事乞終制不許乃視事及南京又多滯獄復詔抱朴平
決之人無寃者改南院樞密使卒贈侍中初抱朴與弟
抱質受經於母陳氏皆以儒術顯抱質亦官至侍中時

大同府志

卷之三

人物

入榮之

陳昭哀小字王九雲州人工譚鞫勇而善射統和中補祇
候郎君累遷敦睦宮太保兼掌圍場事開泰五年秋太
獵帝射虎以馬馳太速矢不及發虎怒奮勢將犯蹕左
右辟易昭哀捨馬捉虎兩耳騎之虎駭且逸上命衛士
追射昭哀大呼止之虎雖軼山昭哀終不墮地伺便拔
佩刀殺之輦止上前慰勞良久特加節鉞遷圍場都太
師賜國姓命張儉呂德懋賦詩美之後拜歸義軍節度
使同知上京畱守歷西南面招討都監卒

金

康公弼字伯迪其先應州人遷於燕之宛平公弼好學年二十三中進士由樞府令史出爲寧遠令歲歉請蠲租賦縣人爲立生祠監平州錢帛庫調役糧於川盜匪侯槩陷州使護送出境曰此良吏也權乾州節度使卒諡

忠肅

舊志誤載入元

紇石烈良弼本名婁室回怕川人祖父世襲蒲輦徙居宣寧天會中選諸路國子學生送京師良弼與納合椿年皆童丱列選望見丞相希尹於途歎曰吾輩學丞相文字千里來京師固當一見乃入傳舍拜堂下希尹問曰此何兒也良弼自贊曰有司所薦學丞相文字者也希

大同府志

卷之三

人物

三

尹大喜問所學應對無懼色希尹曰此子他日必爲國器年十四爲北京教授學徒常二百人後皆成名十七補尙書省令史簿書過日輒得隱奧雖大文牒口占立成詞理皆到累官吏部右司郎中用納合椿年薦遷刑部尙書天德中拜參知政事世宗卽位以爲南京畱守累遷尙書左丞平章政事拜右丞相監修國史進拜左丞相大定十八年以疾表乞致仕歸西京上遣使慰諭授世襲猛安俾其子符寶曷答攝事仍給丞相俸兼是歲卒年六十追封金源郡王諡誠敏明昌五年配享世宗廟廷良弼爲相朝夕惕惕盡心於國謀慮深遠薦賢

常者不及居家清儉親舊貧乏者周給之與人交久而愈敬居位幾二十年以成太平之功號賢相焉

按金史地理志

宣寧縣屬大同府當在今豐鎮寧遠二廳界舊志失載

蘇保衡字宗尹雲中天成人賜進士出身補太子洗馬累官同知興中尹天德中分督中都工役改大興少尹督諸陵工遷工部尚書授瀋東道水軍都統制大定二年召赴中都時山東盜賊嘯聚百姓困弊詔保衡安撫山東發倉粟給幣帛無妻室者具姓名以聞還除刑部尚書遣往河南山東陝西宣問屯田軍人有曾奮戰立功者具聞先登拔幟者正軍及阿里喜補官一階尋行戶

大同府志

卷之三

人物

古

部於關中兼糾察許以便宜黜守令不法者十餘人入為太常卿遷禮部尚書拜參知政事二年進右丞監護諸殿役事六年有疾求致仕不許未幾卒

舊志作渾源人未知何據

今依金史改正

康元弼字輔之大同雲中人幼敏學善屬文登正隆二年進士第調汝陽簿由垣曲縣令補尚書省令史累遷同知河北西路轉運使事召為大理丞大定二十七年河決遣往曹濮間相視其地如盎而城在盎中請於朝徙築北原曹人賴焉出為宏州刺史閱歲授大理少卿先是衛城亦為河壞增築蘇門以寓州治水既退民不樂

遷欲復歸衛又遣元弼按視還言治故城便遂復其舊
轉秘書少監改通州刺史兼領漕事章宗立以舊臣充
副衛尉而轉大理卿復爲刑部侍郎遷南京路轉運使
承安三年致仕卒

高汝礪字巖夫應州金城人大定十九年進士蒞官有能
聲自同知絳陽軍節度事超授石州刺史承安元年入
爲左司郎中擢左諫議大夫尋同知大興府事累遷中
都路都轉運使泰和六年拜戶部尙書貞祐二年拜參
知政事尋遷尙書右丞四年轉左丞拜平章政事俄進
尙書右丞相監修國史封壽國公屢乞致仕不允哀宗

大同府志

卷之三

人物

五

初告老復優詔不許正大元年卒年七十一配享宣宗
廟廷汝礪慎密廉潔宣宗朝屢陳得失甚見採納及在
相位十餘年規守格法未嘗譴訶故士論以此少之

雷思字西仲應州渾源人天德三年進士大定中任大理
司直持法寬平仕至同知北京轉運使事弟志字尙仲
亦第進士仕至永定軍節度使

以上三人舊志
俱誤載人元

雷淵字希顏一字季默思子登至寧元年詞賦進士甲科
攝遂平縣事年少氣銳擊豪右發盜伏一邑稱神明調
涇州錄事後改東平尋遷東阿令轉徐州觀察判官興
定未召爲英王府文學兼記室參軍轉應奉翰林文字

拜監察御史言五事稱旨彈劾不避權貴出巡郡邑所至有威譽姦豪不法者立箠殺之爲人所訟罷去宰相侯華薦爲太學博士南京轉運司戶籍判官入爲翰林修撰卒淵軀幹雄偉髯張口哆顏渥丹眼如望洋遇不平則疾惡之氣現於顏面廣交凡當途貴要與布衣名士無不往來居京師賓客踵門家貧而待客甚豐腆劉撝渾源人天會元年詞賦進士仕至石州刺史子汲亦舉進士爲翰林供奉

劉從益字雲卿撝之元孫博學通經能文章尤工五言詩登大安元年進士累官監察御史罷去起葉縣令修學

大同府志

卷之三 人物

十六

勵俗有古良吏風未幾被召百姓乞留不許入授應奉翰林文字踰月卒葉人聞之以端午罷酒爲位而哭且立石頌德子祁字京叔在太學甚有文名

魏璠字邦彥渾源人貞祐二年進士天興元年爲翰林修

撰二年爲元帥府經歷官

按金元史皆附見魏璠事舊志係之元誤矣且僅據魏初

傳爲順聖人不言渾產是未考武仙傳也

張升字進之大同人戶工部令史出身爲漁陽簿遷絳州錄事天興二年趙偉之變赴水死岸上數百人皆嗟惜之

張穢字巨濟先世秦州長春人有官山陰者遂占籍焉曾

祖頤宗銀青榮祿大夫祖惠懷遠大將軍父天白號縣簿檄明昌五年詞賦第一仕至刺史爲人蘊藉善談論文賦詩筆截然有律度時人甚愛重之

劉勲字少宣雲中人後居濟南少日住太學與兄譙胥有聲場屋間專工詩學往往爲人傳誦兼長尺牘落筆皆可觀風流蘊藉都無科舉氣見於文字者亦然

曹之謙應州人興定間進士與元好問同官尙書省左司掾機務倥傯商訂文字未嘗少輟後寓居平陽三十載講明道學爲斯文式遠近多從之遊

元

大同府志

卷之三

人物

七

按竺邇世居雲中太宗時爲元帥鎮刪丹州累功拜征行大元帥中統元年引兵出耀碑谷捷聞賜璽書褒美四年卒年六十九封秦國公諡武宣子十人徹里國寶最知名徹里襲職爲元帥屢有功以病廢卒國寶一名黑粹少擊劍學書個儻好義有謀畧父爲元帥軍務悉以委之故所至多捷徹里旣襲父職以疾不視事國寶乃奏言文州山川險阨宜築城屯兵鎮守從之授三品印爲蒙古漢軍元帥宣布威德至元四年卒封梁國公諡忠定國寶將卒以子世榮幼命弟國安襲職其後立功六盤請解職授世榮帝善其讓使世榮襲職錄六盤功

進國安昭毅大將軍招討使

阿沙不花父牙牙封康國王阿沙不花年十四入侍世祖
賜土田給僕隸使居興和之天城嘗扈從上都命飭四
宿衛兵器復使掌門由是知其可用中統初遷大宗正
尋兼兩城兵馬都指揮使至大初拜中書平章政事加
特進太尉軍國大事並聽裁決有盜太府金者疑其狀
詰之果得金以聞就以金賜之命誅盜者辭曰盜誅固
當金非臣所得有請還金以贖盜死帝從之進開府儀
同三司中書右丞相俄復平章政事封康國公遷知樞
密院事至大二年卒於位至正初追封順寧王諡忠烈

大同府志

卷之三

人物

六

子伯嘉訥廉直剛敏嘗爲京尹審錄誣首海商一百十
六人爲盜盡得寃狀官至翰林侍讀學士

趙璧字寶仁雲中懷仁人中統初拜燕京宣慰使中書省
立授平章政事時製太廟雅樂樂工黨仲和郭伯達以
知音律在選中爲造僞鈔者連坐繫獄璧曰大饗用禮
樂所以昭孝報本豈可繫及無辜而廢其成哉奏請原
之改樞密副使命遷中書右丞拜平章政事率贈大司
徒諡忠亮

魏初字太初從祖璠無子以初爲後初好讀書尤長於春
秋爲文簡而有法中統初辟中書掾史兼掌書記以祖

母老辭歸會詔諸儒各陳經史所載帝王嘉言善政選進讀之士有司以初應詔授國史院編修官擢監察御史疏時政多見嘉納出僉陝西四川按察使事歷官南臺御史中丞卒年六十一子必復集賢待講學士按元史本傳宏州順聖人其從祖璠金史著為渾源人附見武仙傳順聖雖屬今直隸宣化府然既為璠後即當作渾源人也

雷膺字彥正渾源人七歲而孤篤志於學事母以孝聞太宗時膺甫弱冠得中科選益自砥礪遂以文學稱中統初授大名路宣撫司員外郎用翰林承旨王鶚王磐薦為翰林修撰累遷同知恩州事憲府表其能入拜監察

大同府志

卷之三

人物

九

御史出僉河東山西道提刑按察司事轉山南湖北道副使遷行臺侍御史分司湖廣江西丁母憂去起授江南湖西道按察使時蘇湖多雨傷稼百姓艱食請發廩米二十萬石賑之行省議存二之一膺曰宣布皇澤惠養困窮臣職也豈可效有司出納之吝耶年六十二致仕歸老於山陽成宗卽位召諸故老詢國政膺為稱首多所建白大德元年卒年七十三追封馮翊郡公諡文穆

趙世延字子敬元帥國寶子天資秀發喜讀書究心聖賢體用之學弱冠召入樞密院御史臺肄習官政至元二

十一年授雲南諸路提刑按察司判官擢監察御史奉旨按平陽獄稱明允出僉江南湖北道肅政廉訪司事敦儒學立義倉修壞隄嚴掠賣良民之禁恩威並著以母憂去起除江南行御史臺都事歷山東肅政廉訪副使江南行臺治書侍御史天德十年除安西路總管前政壅滯者三千牘世延至不三月剖決殆盡至大初由紹興總管改四川肅政廉訪使除弊興利民甚便之四年陞中奉大夫陝西行臺侍御史延祐元年拜中書參知政事遷御史中丞累遷翰林學士承旨昭文館學士大都留守外補四川行省平章政事泰定元年除集賢

大同府志

卷之三

人物

三

大學士出爲河南行臺御史復入爲中書右丞以光祿大夫兼知經筵事選揀勸講者皆一時名流俄加同知樞密院事文宗自江陵迎立世延贊畫功爲多累加奎光閣大學士拜中書平章政事與虞集等纂修皇朝經世大典屢引疾優詔不允封魯國公卒年七十有七贈太保上柱國諡文忠

按元史按竺邇傳附見子徹里國寶國寶子趙世延自有傳世延子

野峻台見忠義傳舊志僅載世延一人未免星漏

野峻台世延子由四川行省郎中累遷至黃州路總管升四川行省參政命與平章唆住分領銳卒八百爲前驅拔巴東縣平歸峽等州又進拔橫江松滋兩縣乘勝趨

江陵戰清水門中飛槍遂死事聞追封涼國公諡忠壯
弟伯忽夔州路總管戰死蜀中追封蜀郡公諡忠愍

張從儉大同人延祐中為榆次令有異政邑中耆老立碑
記之

李伯述應州人至正間為河南省左丞卒於兵追封魏國
公諡忠愍

張文顯懷仁人至正間累官吏部尚書清正有守

曹子明舊志作子名懷仁人至正間任上都縣令公正敢為惟

義自守

高定渾源人好學敦信尚氣節累官雲中招討使都元帥

大同府志

卷之三 人物

三

永安軍節度使長於吏治所至姦宄屏跡

安明本山陰人初為千夫長戍繁峙韓元帥浩見明本特

異授以忠州都統佩銀符使後遷平陽元帥百姓惜其

去攀轅畱之復召還忠州以慰百姓浩大同人至正間

任便宜都元帥兼應州彰國軍節度使撫愛軍民具有

方畧

按史志金貞祐二年陞山陰為忠州元至元二年併入金城後復置山陰縣是元時無忠州也又云

元初以彰國軍仍為應州是不當有彰國軍節度官名也疑是金宣哀間人至正或正大之誤當再攷

忽蘭大同人世襲大同路達魯花赤經七世贈推忠翊運

開府儀同三司上柱國金紫光祿大夫太師宣寧王

省志

舊志俱載按元史速哥傳第四子曰忽蘭龍職速哥有功於太宗之世以為山西人達魯花赤居八達以訛會

至雲中豈其後遂爲大同人耶志載官階贈號與史畧同但忽蘭襲父達魯花赤則非大同路可知推忠翊運是速哥贈號忽蘭封雲國公亦非宣寧王史稱忽蘭性純篤其爲達魯花赤也鉅強植弱均役平刑闔郡賴以安輯不錄此而僅載官爵何謂人物然其爲大同人究無確據故仍有舊文以俟攷焉

杜唐卿大同人德高學古官至浙江省參政

張守忠廣靈人任元帥出師屢克

吳明志大同人號樂齋累官國子助教文學重於一時

許子遜大同人授中奉大夫集賢學士有才識通經習古凡詔誥必更其手文章振卓於時

李巖大同人初業儒博覽經史旁通書算之學爲和寧路學正棄歸日以著述爲事

大同府志

卷之三 人物

三

明

侯復應州人洪武丙子舉人授國子監丞遷翰林院編修仍兼監丞事尋進司業復前後三涖國子正身率物人士翕然宗之

田炯大同人洪武中起家太學生洊歷中外勤慎簡約後官吏部左侍郎銓選精當有山巨源遺風

羅義建文時鎮遠衛戍卒也靖難師起義詣闕上書請敦親睦之義又走北平上書忤燕王旨下獄及卽位得前所上書赦之授兵科給事中尋遷湖廣參議

李彝渾源人永樂甲午舉人授監察御史以剛直有聲臺

中後歷江西按察使治獄明恕遷浙江布政使益厲素節出納錙銖必謹卒於官

齊政大同人永樂丁酉舉人授鴻臚寺序班改鳴贊秩滿遷主簿仍掌鳴贊事擢寺丞歷右少卿晉正卿疏請致仕優詔不許又四年復疏請許歸展墓畢復回寺理事年七十七始予告歸政貌魁梧音吐如洪鐘侍殿陛進退皆有常度卒遣官諭祭卹典獨厚

郭恂山陰人永樂七年以歲貢舉孝廉授涿州判尋陞錦衣衛經歷所至皆有賢聲

王鼎山陰人永樂辛卯舉於鄉授朝邑知縣莅任公廉有大同府志
卷之三
人物
三
爲遺愛在民民立祠祀之

張羽山陰人永樂庚子舉人授廣西道御史持已嚴正彈劾無所避改龍泉知縣以親老乞歸羽同年友杜盛亦山陰人任陝西知縣有聲鄰邑疑獄咸取決焉擢最陞吏部主事條奏剴切遷光祿寺丞未幾卒

溫良字易直山陰人永樂辛丑進士授內閣中書舍人陞刑部主事性耿介執法無所撓屈凡所條奏多稱旨累遷戶部郎中

寇謙應州人永樂甲午舉人授戶科給事中時相頗專擅方得上寵謙抗章糾之生朝宁

郭願廬州人永樂中由貢生授知縣擢監察御史出按京畿屢抗疏力爭彈劾不避朝右咸側目

武達大同人永樂中以鄉舉擢禮科給事才識老成隨事多建白陞浙江布政司參議有惠績尋遷廣西參政致仕卒

李文煥大同人永樂中由太學生累官吳堡知縣廉敏有爲初任神木典史植弱除暴以幹濟稱至是爲親民官生聚教訓日久愈力民皆相愛之

米瓘山陰人宣德己酉舉人端嚴有操行授慶陽府同知遷南京戶部郎中所食惟菜羹艱歸鬻產營葬事起補

大同府志

卷之五

人物

五

永平府知府所得俸錢蠲賑饑民外悉分給宗族

石瑁字信之應州人少歲以孝友稱領宣德己酉鄉試癸

丑成進士收通州倉糧宿弊悉釐革正統初授禮科給

事中擢金華知府鄰郡盜起出兵擊之民避盜來者千

百爲羣乏食瑁欲開庾以濟上官難之瑁曰彼迫於殍

死則亦爲盜矣擅開庾與道民爲盜罪孰重竟開庾以

濟蘭谿吏徐世揚浦江卒士猛烈皆爲邑患瑁置之法

衆爲歌謠頌之母憂去都御史軒倪言於朝起原官尋

陞福建右布政使入覲福州守雷琅贖以金峻却之上

聞其賢以爲南京禮部左侍郎未幾召爲禮部尙書請

恭於位朝望益孚甫一載而卒年六十有四

吳翔大同人正統初任代王府教授改都御史年富薦其

才知曹縣有惠政

按明史年富傳景泰天順間兩以都御史撫大同翔任代府教授當係正

統年間舊志作正德初誤

劉文字宗華大同人以鄉貢選習譯字登正統元年進士

授中書舍人仍譯字十四年命提督四譯館丁母憂詔

奪情任事陞吏部郎中天順初以功陞右通政乞休至

家卒

王尚文廣靈人正統丙辰進士授戶部江西司主事以督

餉死於難後英宗錄死事諸臣贈卹有加子翊以蔭入

大同府志

卷之三

人物

五

國學

孫祥大同人正統十年進士授兵科給事中擢右副都御

史守備紫金關關破祥督兵巷戰兵潰被殺言官譏劾

祥為棄城遁後有司修關得其屍焚而瘞之不以聞祥

弟祺詣闕申言詔卹其家成化改元錄其子紳為大理

寺右評事

孫逢吉字餘慶渾源州人正統丁卯舉人授延長知縣植

善鋤強賢聲甲關中考最擢監察御史巡鹽長蘆監軍

榆林所至風紀肅然後復按四川江蠻內訌鎮巡不以

聞特疏正其罪救旱疫災蜀人有春雨和風之謠遷陝

西僉事轉副使備兵固原撫治有方咸悅服晉右布政使遷左布政使引疾歸

趙翔大同人少材武有膽畧正統中以軍功累陞宣府副將戰歿於陣天順初優予贈卹

郭紀大同人正統甲子舉鄉試第一辛未成進士選監察御史累官江西布政使紀少有雋才釋褐後肆力於詩古文辭書法琴曲亦皆精妙當世稱爲三絕

劉道懷仁人景泰丙子舉鄉試第一天順甲申成進士選翰林院庶吉士改吏部主事歷本部員外郎終河南布政使道文章政事卓有可觀解組後閉門養高蕭然終

大同府志

卷之三 人物

三

老

郭容字子仁渾源人成化乙酉舉人以博洽薦於朝召對便殿稱旨錫賚甚厚任寧海知州興廢舉墜革弊釐之時有任虎者爲民害縛而懲之州瀕海濱訓以禮教人文彬郁有不能葬者資以棺立養濟院粟帛以時頒給暇則按視疾苦條約利民十六事力行之後督餉雲中餉如期集羨金千兩還所司人服其廉

張安字定之大同人世襲百戶成化間以功陞指揮僉事再以功陞山西行都司指揮僉事又以守備大同左衛地方功陞指揮同知加都指揮使宏治間改守朔州又

改天成一年充大同遊擊將軍凡五載充副總兵協守
寧夏以賀蘭山功陞都督僉事賜蟒服正德間寧夏烽
警掛征西將軍印一年大同告警復掛征西前將軍印
俱充總兵官鎮其地時年六十疏乞致仕得請卒年七
十五安生長代北家傳韜畧天資凝重才兼智勇尤能
練士卒知幾料事自偏裨至大將四五十年間大小數
十餘戰未嘗敗績前後巡撫總制多薦之大司馬以爲
鎮將第一子輓軌俱有父風

撒俊大同人成化中由歲貢知陝西醴泉縣增築外城建
立場市歷九載剛方如一

大同府志

卷之三

人物

三

李敬大同人宏治己酉鄉舉知文登縣清操自勵政有實
效遷去民思之立碑

王縉山陰人成化中由貢生授臨邑知縣性清約勤於民
事早起據公堂治文書不輟民有以訟至者輒情理諭
之不率答以荆條不苛責也間復單騎巡阡陌中呼農
夫田婦問耕織事如家人父子有特操遇依違不惜以
去就爭邑有數大姓爲盜所誣部使者屬縉鞠之無所
驗力白其寃部使者移陵縣覆訊悉論死縉怫然卽日
引疾去閱兩月真盜發他邑賊証具在諱乃釋部使者
愧甚特疏薦不起准其致仕

田天澤應州人宏治壬子舉於鄉任耀州知州時流賊圖定興攻城幾陷天澤督兵拒走之有巨璫挾寵恣睢陝西諸郡縣類被科索跡且至耀天澤曰他州自有耀州自無堅拒之民不爲擾丁外艱歸卒贈通議大夫

成文山陰人宏治十五年進士由知縣擢御史正德中巡按張翼朱彬發其姦翼等賄中人傾文會文劾僉事趙應龍應龍亦訐文細事被逮斥爲民嘉靖中起用累官右副都御史告歸卒年七十

李翰臣大同人正德三年進士官御史巡按山東吏部主事梁穀誣歸善王當沍謀逆翰臣劾穀挾私近倖方欲

大同府志

卷之三 人物

三

邀功謫翰臣爲逆人掩飾逮繫詔獄謫德州判官終山東副使

牛引重山陰人正德中以選貢任陝西固原知縣輕徭緩科勸課農桑百姓親之如家督比一考卽引疾歸家居三十餘年縣官非公事未嘗私謁人咸重之

郭登庸山陰人正德甲戌進士授監察御史出按陝西雅善發姦嘗至一寺察其僧有異密圍以兵搜獲婦女十餘人並軍器若干立治如律改其寺爲書院再按浙江首輔張孚敬謀得永嘉沃田百頃屬之再三登庸不答至浙巡按及溫遽引疾去二年起督湖廣學政力正文

體所拔士後多爲名卿遷應天府丞改順天府丞郊祀
侍直爲世宗所知擢大同巡撫以鄉里辭改宣府修築
邊牆餘羨金數萬悉籍以報部未幾以疾乞歸後起陝
西巡撫不赴生平工書法篆隸行草俱臻其妙詩亦瀟
灑有致

甯安山陰人以貢任曲周知縣廉靜慈祥興學校敦教化
清訟獄爲當時循良第一以老乞休邑民立碑頌德
郭瑾山陰人以例貢授布政司檢校任事勤慎上官多獎
勞之以疾乞歸課農訓子處鄉黨有敦厚風

李鉉大同人世指揮同知累功進都指揮僉事充參將協

大同府志

卷之三

人物

三

守大同正德七年山東盜起詔充副總兵與張俊等邀
賊復與傅鎧張椿等數立功賊平進都指揮同知充總
兵官鎮鳳陽諸府尋以江西盜猖獗擢署都督僉事與
都御史俞諫同提督軍務賊入據裴源山憑高發矢石
官軍幾不支鉉下馬持刀督將士殊死鬪賊敗走追擒
之移駐餘干卒於軍詔贈右都督

張汝舟渾源人監生正德間由萬泉經歷陞順天大城知
縣時流賊至汝舟以孤力守危城多方禦防賊大合來
攻城陷巷戰而死其子策以護父并遇害事聞贈光祿
寺丞

陳韜大同人正德中任招遠縣丞流賊劉六等奄至城下韜慨然任捍禦事督士民死守越數日外援不至城破被執罵賊死事聞贈登州府通判

李景廣靈人以歲貢判高郵州有政績擢西華知縣正德中流賊攻圍甚急景躬擐甲胄與民死守力竭城陷賊執景以刀脅之景不屈遂遇害事聞贈光祿寺丞錄子延齡入監

蔣應奎大同人嘉靖內成進士授工部都水司主事治河呂梁遷營繕司郎中董建兩宮功成超拜太僕寺少卿遷應天府尹以嚴爲治勲戚中有橫肆者悉裁以法捐

大同府志

卷之三

人物

三

金修學宮墾秣陵荒田千餘頃擢副都御史巡撫寧遠開原一帶入爲戶部侍郎改兵部兼僉都御史應奎性恬淡爲諸生時嘗鬻衣養父母旣貴益堅素節卒之日喪幾弗克舉後贈兵部尙書

樊深大同人嘉靖間爲通政使疏劾仇鸞時鸞上方優眷立斥深爲民穆宗初復官尋遷刑部右侍郎時恩赦死罪以下而流徒已至配者所司拘律令不遣深言殊死猶赦而此反不及非所以廣皇仁詔從其議旋晉左侍郎罷歸卒

溫景葵字汝陽大同人嘉靖戊子舉人令長山陞御史守

蘇州並有治績庚申歲自霸州道移任永平四年創制
運籌詳審精密如穀賤傷農立爲糴貯法因軍餉對支
擾害商人立爲入倉法並立爲稽塗法疏准惜薪司法
修建昌營石門寨半壁山等城爲邊疆保障處置有方
財不費而民不擾選士入孤山書院延師豐稟嚴程課
如親子弟科甲多出其門特擢都御史巡撫順天三載
告病歸

劉文陽和衛人襲指揮同知累遷署都督僉事涼州右副
總兵嘉靖八年以總兵官鎮陝西行軍奏績十一年戰
寧夏河東克捷積前功進都督同知後落職起鎮延綏

大同府志

卷之三 人物

三

改甘肅卒諡武襄 舊志不載通志作劉文慶今依明史改正

任中立大同人嘉靖辛卯舉人初任沂水知縣時盜匪聚
掠建策擒獲陞順天府推官轉戶部主事征倭敘功授
正五品

郭石山陰人嘉靖甲午舉人以母老就選授滕縣知縣墾
荒田治兼并寬徭役捐俸構橋民德之名曰郭公橋發
姦摘伏姦猾不敢欺訓課諸生周其貧乏戒其耽弛士
皆以行誼相勉辛酉分校所錄皆知名士陞戶部主事
滕民遮畱盈途建祠祀之累官整飭延綏道駐榆林謹
烽燧嚴斥堠增置城堡練習士卒丁艱歸補山東按察

司僉事尋致仕

郭民敬山陰人生四年知書八歲通音律言動不苟巖然如成人第嘉靖丁未進士爲壽光令治行濟南第一徵拜御史按南畿奏蠲租賦數十萬民甚賴之再按蜀過里值烽警山陰土城雉堞不完民敬爲畱行集丁壯督軍士城守甚備邑人恃以無恐至蜀詢民疾苦彈劾無所避移疾歸數月而卒

馬豸大同人嘉靖壬子舉人文章行誼爲士林望初守薊州遷鎮江府同知防江練舟師盜賊屏跡署丹陽諸廢津輿開馬嘶港爲一邑永利擢戶部員外尋陞潁州兵

大同府志

卷之三

人物

三

備僉事頗多盜難治豸多方擒之民賴以安泗水衝嚙有司堤之輒壞豸親督料理乃堅厚可久焉以憂歸哀毀得疾行至廣陵卒子呈德萬歷庚子解元庚戌進士官中書舍人

李一鶚翰臣孫嘉靖乙卯舉人性醇篤初任無極知縣調江寧以治最陞南京戶部主事轉刑部郎中爲同舍所忌左遷鄜州同知歷真定府通判汝州知州以親老取道歸省遂不赴

王用中大同人嘉靖丙辰進士授山東平原知縣邑多盜用中立法捕緝四境帖然陞戶部主事引疾歸持手

編不輟撫臺請主雲中書院多所造就少受書於從兄
用賓事之若嚴父用賓性醇篤精舉業屢舉不第嘉靖
中以貢知靖海縣告歸讀書課子弟與郡中張別駕應
武溫撫軍景葵文酒從容號雲中三老鄉論敦倫方正
者必首王氏兄弟焉

覃應元字德芳大同人嘉靖乙丑進士授歷城知縣縣近
郭多汗萊爲開田北山下引湖水爲渠教以灌溉又開
東山險路便車馬往來三年奏績第一遷南京刑部主
事歷戶部員外兵部郎中出爲河南府知府擒妖匪許
天信及嵩山礦徒首惡郡內宴然遷四川分巡副使移

大同府志

卷之三

人物

三

陝西副使備兵延綏整神木鎮疆諸城堡墾永濟荒田
調湖廣長沙兵備遷陝西苑馬少卿致仕卒之日圖書
數卷蕭然如書生

王汝浹字見田懷仁人愛恒山名勝卜居渾源積學能文
嘉靖甲子舉於鄉十二上南宮不第遂行吟泉石間貧
不能具饘粥不爲請謁人以是高之

薛綸字汝爲號幼泉其先興化人徙居天城登隆慶戊辰
進士授長安令息民力清土田伸理張良弼等寃擢兵
部武選主事出爲開封守彈壓強藩摧抑豪石擢陝西
憲副歸卒於家

張應武大同貢生嘉靖中授大城知縣以仁恕爲治稱廉
平遷河間府通判益務寬大未幾乞休去應武深經術
於易尤邃旣歸後探討不輟子孫多以科名顯

石敘渾源人嘉靖間由歲貢任陝西白水知縣歲饑民多
流散敘集父老開誠撫綏民皆感泣復亟爲請賑多所
全活

宗民牧山陰人博洽羣書醫卜天文地理皆通曠尤於詩
備諸家之體時當選貢拔第一次名齒且長讓之人服
其誼後七年竟以待年得官任永壽縣丞歸耕讀終其
身

大同府志

卷之三

人物

三

林椿字永年大同人幼有孝行嘉靖中襲父職右衛指揮
僉事積功晉指揮使歷左副總兵協守大同與總兵張
達並戰歿贈都督同知謚忠勇立祠賜祭墓子鳳騰蔭
指揮僉事世襲

栗繼芳大同人嘉靖中以試百戶戰於小鶯圪塔圍之數
重繼芳不少挫力益奮旋歿於軍事聞詔祀勸忠祠

關山大同人嘉靖中以都指揮使任宣府中路叅將葛峪
之戰風霾大作矢攢射如雨山督將士力戰自辰至酉
越次日黎民復戰遂歿於陣兵部上其狀賜贈卹

焦澤大同人剛毅有謀先以遊擊從總兵周尙文戰彌陀

鳳凰山皆先登論功陞西路叅將嘉靖間總兵大同邊疆寧謐後移鎮昌平掌團營握兵最久家無餘貲勲勞茂著鮮有繼者

王福大同人驍勇通兵畧嘉靖中以指揮管千總事二十八年戰於曹家莊陷陣以死事聞敘卹有加

馬舉字虎山大同人以材勇充紅旗把總奮力陷陣馬蹶被殺巡撫撰文遣祭厚恤其家

王家屏字忠伯臨邑令縉曾孫登隆慶二年進士選庶吉士授編修預修世宗實錄萬歷初進修撰充日講官敷奏剴華上嘗斂容受稱爲端士再遷侍講學士十二年

大同府志

卷之三

人物

三五

擢禮部右侍郎改吏部甫踰月命以左侍郎兼東閣大學士入預機務去史官二年卽輔政前此未有也每議事秉政持法不亢不隨越二年遭繼母憂去服甫闋詔進禮部尙書遣行人召還家屏請上勤視朝評事雜於仁進酒色財氣四箴將獲重罪以家屏言得善去十八年久旱極言災異狀且乞賜罷歸用避賢路不報再疏乞罷不允乃視事家屏端嚴秉公百司事一無所撓性忠讜二十年春給事中李獻可等被謫家屏封還御批力諫而遣謫者相屬家屏遂引疾求罷言甚切直奏不下而責以希名托疾家屏求去益力復兩疏懇請詔馳

傳歸家屏柵國止半載又強半杜門不獲展其志以懃
直去國朝野惜焉閱八年遣官賫敕存問資金幣羊酒
又二年卒年六十八贈少保諡文端熹宗立再贈太保
任一子尙寶丞家屏家居時朝鮮用兵貽書經畧顧養
謙曰今第以保會稽之恥激厲朝鮮以城楚邱之功獎
率將吏無爲主而爲客則善矣養謙不能用兵竟數年
無功其深識有謀類此

王汝濂懷仁人隆慶辛未進士由兵部主事歷陞陝西按
察副使跨蹇驢將一僕之官入關微服按境內問民疾
苦得土豪怙勢凌輓鄉里好持吏短長不法狀庭訊時

大同府志

卷之三

人物

三

具服將寘之法會有權要者袒左之獄漸解汝濂力爭
不得遂移疾歸事母盡孝養年五十母卒旦夕跪哭隆
冬忘寒久之以鶴膝疾終

廷楠字棟叔渾源人少有大志以經魁登隆慶辛未進
士授涇陽知縣獄訟滋繁吏緣爲姦懲宿蠹繩豪右吏
畏民懷捐俸修葺學宮歲饑申請蠲賑移南大理評事
有寃獄衆避不爲理亟爲平反有坐法當刑行金祈免
叱出之寘公法異已者騰謗遂罷歸

三家旦懷仁人孝友聞閭里由萬歷乙卯鄉舉授高密知
縣惠績茂著稱循良吏

田蕙應州人萬歷甲戌進士任蒲城知縣陞戶部主事歷
通政司左右參議性剛直不阿爲忌者所中歸里杜門
謝客課耕訓讀士論多之

周祉字錫菴天城人由明經任河南府判檢積案理冤獄
裁汰礦稅尋引退復起判鞏昌剔茶馬弊節供餉循資
陞趙州知州遮道攀畱督撫交章請加同知銜判鞏如
故尋以疾歸士民爲建生祠年六十卒於家

李植字汝培大同人父承式嘉靖丙辰進士官福建布政
使僑江都植舉萬歷五年進士選庶吉士授御史十年
冬張居正卒植發司禮馮保十二大罪上震怒罪保植

大同府志

卷之三

人物

三

由是見知明年巡按畿輔請寬新定百官乘驛禁從之
時卜壽宮於大峪山植扈行閱視謂其地未善欲疏爭
不果明年還朝擢太僕少卿廷臣忌之十三年貶戶部
員外郎尋調綏德州知州引疾歸居十年起沅州知州
屢官右僉都御史卒贈兵部右侍郎承式兄承弼嘉靖
丙辰舉人知新安縣時水壞田舍嘗爲民請發金築堤
王家壁家屏從弟萬歷己卯舉人任蘇州府通判性廉介
不爲矯激時有誣陷良善者力爲昭雪署嘉定太倉築
興除釐剔洞悉民艱以直道忤時改除河間督運楊村
會畿輔大旱河水涸躬率畚築決渠引水使者旌其勞

勤以疾歸

王濟初字啟哲家屏長子耽經史舉萬歷乙酉解元居父艱請贈請恤請並祭合葬殫心竭力既免喪授中書舍人一時大制作多出其手久之遷戶曹除柳州知府未赴任告歸閉戶著書弟湛初萬歷丁酉副榜以蔭授中書舍人同官皆科甲侈口詩文湛初間露一二語咸驚服性耿介不附權貴久之轉屯司受命山陵工拮据畚築不卹勞怨卒贈太僕少卿

陸敏捷大同人萬歷壬午舉人性率真達於政事任荻道知縣興利剔弊多善政陞德州知州遷河間同知時靜

大同府志

卷之三

人物

三

海縣饑民煽禍敏捷擒首惡散餘黨不動聲色而定謝掣鹽常例重修天津城築重隄護運河迄今猶稱陸隄云

李杜植弟萬歷丙戌進士幼穎異十三爲縣庠弟子員十九舉於鄉二十成進士授遵化知縣威惠服人會巡撫恡餉姦弁嗾譁者數千人擐甲四集杜諭以恩信軍羅拜受命詣撫力請餉撫以庫竭爲詞杜用縣備給之乃寧陞禮部郎卒於官弟櫛天性孝友篤學高行天啟嗣歲貢任平定州學正士多造就

張爾基應武孫第萬歷壬辰進士三任知縣政清訟理民

歌其惠以卓異行取陝西道御史指陳時政直聲震遐
邇巡按貴州戡定南蠻轉山東僉事陞榆林副使得軍
士心以功加右布政在告數年起寧紹副使

何廷魁字汝謙大同人父嚴師性孤介力學能文章與兄
餘師齊名以貢判邠州卒廷魁第萬歷二十九年進士
授涇縣知縣調寧晉遷刑部主事歷歸德衛輝河南知
府西寧副使坐考功法復爲黎平知府遷副使分巡邊
境及城潰廷魁懷印率其妾高氏金氏投井死婢僕從
死者六人贈光祿卿再贈大理卿賜祭葬諡忠愍世蔭
錦衣百戶

大同府志

卷之三

人物

三

何廷俊廷魁從弟父餘師性孝友工書善詩賦以選貢任
青州府經歷用不盡才時論惜之廷俊萬歷間貢任平
陽教授歷知臨潼項城二縣遇旱禱雨輒應蝗不爲災
及歸杜門著述中年喪偶不再娶孫大印舉丁卯鄉試
官刑部郎

馬呈秀豸之從子萬歷甲辰進士初告終養授評事遷寺
正恤刑雲貴全活甚衆出守延安捐俸治河患時有烽
警呈秀單騎爲士卒先大猾孫養蒙爲民害寘之法尋
備兵商雜陞漳南叅政時盜匪起伏不常設謀擒斬民
賴以寧至今立祠祀之

士從義大同人父景新謹厚多隱德從義性孝友端方廉
介登萬歷丁未進士授評事多所平反歷郎中陞東昌
知府以勸農興學爲首務修濬城池士民勒石建祠以
祀秩滿以副使備兵壽 會徐鴻儒之變多方弭制殲
渠魁而安善良全活數萬人究民頌之遷河南參政未
幾以右布政備兵沂州嚴立保伍一境帖然擢河南左
布政持身廉約禁絕饋遺戊辰進副都御史巡撫山東
適歲歉招撫流移數萬人開墾荒田擊除大猾不遺餘
力尋以協餉功進戶部右侍郎引疾歸總督楊嗣昌特
舉不起母喪哀毀骨立幾至於絕

大同府志

卷之三

人物

罕

李懷信大同人由世蔭歷都指揮僉事掌山西都司廉勤
數被推薦萬歷中遷延綏中路叅將進定邊副總兵勇
敢有謀四十二年擢甘肅總兵官延人爲立生祠威名
著河西四十七年充援勦總兵官天啟二年鎮大同明
年罷後追功進左都督卒於家

麻祿大同人嘉靖中爲大同叅將右衛被兵與副將尙表
固守乘間擊勝之以宣府副總兵入衛與子遊擊錦並
有戰功錦少從父行陣有戰績累官千總協守大同以
罪奪官當事謂錦父子兄弟並敢戰曲法貸之屢遷宣
府遊擊將軍以勤王功進秩一等遷大同叅將隆慶初

進副總兵與弟貴並有保境功萬歷五年擢山西總兵官尋改鎮宣府卒弟富弱冠從父臨陣力戰死

麻貴祿子由舍人積功至都指揮僉事充宣府遊擊將軍隆慶中遷大同新平堡叅將保山陰懷仁應州諸城與兄副將錦力戰有功受賞萬歷初再遷大同副總兵十年冬以都督僉事充寧夏總兵官尋徙鎮大同頻以殊勞蒙賜資十九年被劾戍守明年起戍中爲副將總兵解平魯堡圍及戰石溝奏捷以功增秩子蔭擢總兵官鎮守延綏二十二年下馬關被兵寧夏鎮將不能禦總督葉夢熊急檄貴赴援連戰廳馬臺薛家窪鼓枹歌凱

大同府志

卷之三

人物

四

上爲告廟宣捷進署都督同知子世蔭明年勒兵萬五千出紅山爲中軍出高家堡神木孤山爲左軍出定邊安邊平山爲右軍而自以大軍當一面奏捷進秩子蔭尋以病歸二十五年日本封事敗起備倭總兵官加提督盡統南北諸軍貴馳至朝鮮王京倭乘勢來逼別遣副將解生守稷山頗有斬獲倭將行長青正退會經畧邢玠經理楊鎬至分兵三協貴與鎬督左右協兵專攻青正青正退保島山進圍其城明年正月行長來援九將兵俱潰詔責貴以功贖貴復居東當青正數戰有功十一月青正遁貴遂入島山西浦諸路俘斬以千計

師旋進右都督予世蔭三十八年引病乞罷詔乘傳歸
貫果毅驍捷善用兵東征西討並著功伐稱一時良將
從子承恩都督同知宣府延綏大同總兵官更歷諸鎮
以勇力聞承詔寧夏叅將從征有功承訓薊鎮副總兵
承宣洮岷副總兵承宗遼東副總兵麻氏多將才人以
方鐵嶺李氏曰東李西麻

高策字汝籌天城衛人登萬歷八年武進士權瓦窰堡守
備豪右斂迹二十年倭犯朝鮮以大同遊擊統兵馳援
身冒矢石擊斬甚衆陞寧山叅將進薊鎮協守中路副
總兵屢戰有功閱二載卒於官時年六十

大同府志

卷之三十一 人物

四

梁琦應州人萬歷中以世襲指揮使官寧夏遊擊馬蹶爲
賊黨許朝土文秀等所執磔殺之至死罵不絕口事聞
贈都督立廟賜額命所司春秋祀之

張萬邦字三錫陽和衛人慷慨多大畧萬歷二十年寧夏
騷動萬邦以材官應募戰上城有功授本衛千夫長累
陞大同左衛副將駐得勝口著績防禦四十一年晉本
鎮總兵官

宋偉字震川山陰人父國賓萬歷中官平魯衛叅將明兵
堠嚴刁斗時簡練雲西一面資保障焉偉沉勇多智畧
由山陰守禦千戶累陞洮西副將榆林總兵二十餘年

戰輒有功崇正二年移鎮關門以疾歸十七年李自成犯山陰偉率家僮守城城陷服鴆死

楊茂春大同人驍勇熟韜畧萬歷中任指揮僉事累官太原總兵天啟初移鎮薊門崇正初以宿將召對便殿詢制禦方畧特命鎮守大同絕無烽警後晉秩都督同知賜蟒玉

李柄大同人天啟壬戌進士授中書選御史巡節慎庫一塵不染出巡浙修海堤嚴捍禦為永賴計差滿繼巡雲南卒於官咸為悼惜

左光圖字翼宸應州人天啟辛酉舉人授河南嵩縣知縣大同府志

卷之三十一 人物

性至孝母早卒繼母薄常虐使之光圖色愈恭雖呵責敬承不違薄親愛如已出嵩之破也光圖被執將殺之薄泣曰我繼母也見事我孝願以我代光圖得間投水中不死因奉薄入嵩山薄尋卒間道奉柩歸葬蕭然自守屢日不火泊如也親知餽遺胥不受尋歿

李楨大同人崇正初累官遵化中營叅將性忠勇每戰輒先登為麾下倡二年督所部勤王擐甲橫刀大呼徑進陷陣死後得其屍猶勃勃如生事聞贈都督僉事

曹文詔大同人勇毅有智畧從軍積功至遊擊崇正三年遷叅將加都督僉事七月陝西賊熾擢延綏東路副總

兵四年四月克河曲城追斬王嘉允以功擢歸德總兵
官獲點燈子賊李老柴及其黨無一條龍又分勦綏德宜
君清澗米脂賊累戰皆大捷五年三月大戰西濠生擒
杜三楊老柴餘黨攻莊浪走高山遊擊曹變蛟等謀而
上賊潰走追擊屢敗之文詔縱反間給其黨殺紅軍友
遂蹙敗之水落城追至靜寧州殄其衆可天飛劉道江
圍合水文詔往救匹馬縈萬衆中諸軍望見夾擊賊大
敗殪屍蔽野餘走銅川橋文詔率變蛟等追及之大戰
陷陣賊復大敗尋會破賊甘泉之虎兒凹餘賊分竄追
擊之隴州平鳳間十月三戰三敗之遂蹙賊耀州錐子

大同府志

卷之三

人物

四

山其黨殺獨行狼郝臨菴以降關中乃平巡撫范復粹
奏文詔功第一巡按吳牲推獎尤甚兵部抑其功卒不
敘時賊見陝兵盛多流入山西敕令入晉協勦陝西山
西諸將並受節制六年斬混世王五臺孟定襄壽陽賊
悉平太原賊幾盡又屢敗之澤沁遼潞間賊避文詔鋒
流入河北命移師往討遂率五營軍夜襲破賊於林縣
七月大敗懷慶賊馘其魁滾地龍追斬老回回於濟源
而四川石砭士官馬鳳儀軍敗沒於侯家庄賴文詔馳
退賊河南巡撫反劾之部議文詔怙勝而驕乃調之大
同七年七月駐懷仁八月移駐鎮城以失陷靈邱及他

屯堡論罪請戍山西巡撫吳牲薦乃命爲援勦總兵官
八年三月八省總督聞文詔整兵南大喜卽令擊賊隨
州追斬賊三百八十有奇四月令由閩鄉取山路至商
維文詔躍馬去五月五日抵商州賊去城三十里營火
滿山文詔夜半率從子叅將變蛟守備鼎蛟都司白廣
恩敗賊深林中追至金嶺川賊據險以千騎逆戰變蛟
大呼陷陣諸軍並進賊敗走聞大小曹將軍名皆怖懼
已而自漢中馳赴靜寧泰安清水秦州間賊衆且二十
萬文詔所部合張全昌張外嘉軍止六千六月前鋒中
軍劉宏烈被執俄副將艾萬年柳國鎮復戰死文詔聞

大同府志

卷之三

人物

聖

之曠目大罵亟詣總督請行總督喜而無兵可策應文
詔乃以三千人自寧州進遇賊真寧之湫頭鎮變蛟先
登斬首五百追三十里文詔率步兵繼之賊伏數萬騎
谷圍矢蝟集有小卒縛急大呼曰將軍救我賊中有識
之者曰此曹總兵也賊喜圍益急文詔左右跳盪手擊
殺數十人轉鬪數里力不支援刀自刎死總督聞拊膺
大哭上亦痛悼贈太子太保左都督賜祭葬世蔭指揮
僉事建祠春秋致祭弟文耀從兄征討數有功河曲之
戰功居多後擊賊忻州戰死城下

曹變蛟文詔從子幼從文詔積軍功一王遊擊崇正四年從

復河曲五年連破紅軍友等劇賊勇冠諸軍御史吳牲
薦爲叅將文詔移山西從戰輒勝及文詔改鎮大同山
西巡撫許鼎臣言晉賊紫金梁雖死老回回過天星大
天王蝎子塊闖場天諸渠未滅變蛟驍勇絕人麾下健
兒千百才乃文詔亞乞畱晉中從之七年南征湖廣賊
又北援文詔於大同冬文詔謫戍變蛟亦以疾歸明年
文詔起討陝西賊變蛟以故官從大捷金嶺川麇湫頭
鎮皆爲軍鋒文詔歿收潰卒復成一軍總督薦爲副總
兵置麾下破賊關山鎮追奔三十餘里又追闖賊高迎
祥戰鳳翔官亭尋擊敗之於乾州迎祥中矢走已而夜

大同府志

卷之三

人物

吳

出朱陽關官軍不利賴變蛟陷陣乃獲全九年破闖將
澄城轉戰安定會寧抵靜寧固寧賊屢挫秋擊敗混天
星於蒲城賊西走復追破之十年二月部卒勾賊謀犯
西安變蛟方西追過天星聞變急還賊遂遁四月賊入
洮岷階文間諸將力戰郭家壩賊死傷無算九月擢都
督僉事爲臨洮總兵官降小紅狼十月賊入蜀從總督
由沔縣抵廣元賊走還秦變蛟等回軍邀擊之十一年
四月以平賊踰期鐫五官戴罪辦賊闖賊李自成白洮
州出北地變蛟追擊之轉戰千餘里不解甲者二十七
晝夜餘賊潰皆降惟自成東遁變蛟窮追而設二覆於

潼關之南原變蛟大呼斫賊賊奔入伏中大敗死者相枕籍村民用大棒擊逃者自成僅從七人竄餘皆降關中賊盡平錄功晉左都督十一月從總督入衛京師明年畱屯遵化陝西降賊復變總督鄭崇儉請變蛟軍西還不許尋用爲東協總兵官十五年二月殉城松山贈榮祿大夫太子太保世蔭錦衣指揮僉事

傅應鳳字菊菴山陰人以舉人任知縣崇正九年由內鄉調澄城寬猛合宜遇士雍雍有禮十三年饑民倡擾賑贍勸貸勦撫得法陞淮安府同知

安懋修天城人萬歷乙卯舉人任直隸肅寧知縣崇正十

大同府志

卷之三

人物

七

一年流寇攻城急督率鄉勇死守賊造雲梯攀援而上懋修短兵接鬪手斬十餘人焚雲梯賊墜死者不可勝計乃却走孤城垂陷復全敘保障功第一懋修謀勇兼備禦賊經年艱辛萬狀卒以救援不至力竭遇害事聞贈光祿少卿

吳從義字裕強山陰人崇正庚辰進士授長安知縣時關賊蹂楚豫間漸入秦境督師孫傳庭總七省兵駐省會從義出已資供征調費復設法賑貸闖賊入關從撫臬守禦慷慨乘障日夜無倦色城破引刀自刺不死投於井賊至將援以上大罵不止賊怒推石斃之

郭運昌山陰人官鴻臚寺主簿崇正十七年闖寇犯山陰
運昌在籍罵賊死

張爾塾大同人丰姿魁岸慷慨有氣節精騎射嫻韜畧居
家事母以孝聞鄉里爭訟率一言決定人服其公崇正
癸未官撫標守備都城戒嚴奉令領健卒五百爲前鋒
直前搏戰及圍之數重乃下馬步鬪箭不虛發身被重
創奮擊愈厲會日暮救援不至顧左右止存二三人乃
仰天大呼曰見危授命吾得死所矣遂力戰死事聞贈
卹

劉永昌安東衛人世襲指揮使歷陞江南總兵崇正間流
大同府志

卷之三 人物

吳

寇猖獗奉命勦賊鎮守江淮十七年闖賊陷應州執其
父令招永昌永昌曰國破父執生不能殺賊惟有一死
以報朝廷耳因檢軍冊置案上三鼓投江死後人爲樹
碑題曰劉大將軍盡節處

馬振麟張岩俱陽和衛人振麟官寧武遊擊闖賊陷城督
兵巷戰與周總兵遇吉俱死岩字維石宣府叅將陣亡
溫鉞大同人父景清有膽力嘉靖二年鎮兵殺巡撫張文
錦其後巡撫蔡天祐令景清密捕首惡戮數人其黨恨
之十三年殺總兵李瑾因逼索景清深匿不出遂執鉞
及其母王氏令言所在鉞曰爾欲殺吾父而使我不敢

我殺父也如讐不可解則殺我舒憤足矣賊不聽逼母使言母大罵不輟賊怒支解以休鉞鉞大哭且罵并被殺事平母子並獲旌

喬景華山陰人扶母避流賊其父稍後見執華復奔救翼之右臂受刃更易左臂父子仆地賊感其孝舍之去

曹得懷仁人由燕山左護衛總旗遇戰勇銳奮前以一當百累陞中軍都督同知守德州馭下有威惠

李若葵大同廩生崇正十七年闖變與兄象葵弟諸生心葵從子柱周衣冠拜畢題壁曰一門完節借婦女五口俱縊死

大同府志

卷之三

人物

哭

劉賢山陰諸生遠方弟子爭負笈而從貧者束修遺之不受也後以貢任真定訓導漳縣教諭固原學正歷二十年冲和之氣可掬士多造就有古師儒風範焉

王爾揚懷仁人代府儀賓博學工書翰尤慷慨好義嘗讓田產焚借券建坊旌獎崇正間闖賊薄境謂郡主曰恨不能戮力破賊義不可辱遂相對投繯而死

李茂森孫可大俱靈邱貢生茂森官陝西知縣告歸崇正七年城陷死於兵可大考授知縣未仕亦抗義不屈死

大同府志卷之二十一終